

# ВЫЛАНЬ

ВКП(б)-лэн УАССР-ысь  
Ярской Райномезлэн но  
РИК-лэн органы.

Адрес: посёлок Яр Уд.АССР  
Телефон № 43. Дуныз 5 коп.  
9-арзэ потэ.

## Кутсаськон ужен умой кивалтоно

25 тй августэ 1939 аре сельсоветёслэн, колхозёслэн председателёссылэн, первичной парторганизациосысь секретарёслэн, зооветработникёслэн, животноводческой фермаослэн заведующийёссылэн но конюхёслэн районной совещанизы сельскохозяйственной арез образцово йылпум'ян сярысь договораз гождтйз, что культэ люканэз полностью быдэстоно 10-тй сентябрь, а кутсаськон ужез вань культураос'я быдэстоно 15-тй октябрь.

Кызы договорлэн кутсаськон сярысь та пунктэз колхозёсын ужен быдэ'сяське?

Туннэ газетами опубликовать кароно сводка вылэ учкыса адске, что колхозёс асьсэлэсь та бастэм обязательствозэс чидантэм урод быдэ'яло. Культэ люкан бидэстмтэ. Кутсаськон уж район'я 40,1 процентлы гинэ тырмытэмын.

Кутсаськон ужлэсь такем каньылэн мынэмэ соин гинэ валэктны луэ, что колхозёслэн но сельсоветёслэн председателёссыл кутсаськон ужен уг кивалто. Та ужез соос самотёке лэзизы. Кутсаськон машинаос ваньмыз уже кутымтэ. Социалистической соревнование но стахановской движение вёлмытэ.

Кутсаськон ужен ярантэм урод ужало озьы ик МТС'ёс. Тани Дизьмино сельсоветысь "Диктатура пролетариата" колхозын Яр МТС-лэн кутсаськон машинаез одйгой ужа, арня шутэтске. То тйяське, то трактор уг мыны. А колхозлэн шестиконной кутсаськон машинаез кебит дорын кыктэтй толэзьэ кылле ни. Кузнец'ёс сое тупат'ян бордын беспечно ужало, а колхозлэн председателез Веретенников кажной чунал со дорытй ветлэ. Машинаез жог тупат'ян сярысь уг но малпаськы.

Озьы ик чидантэм урод

### Сельскохозяйственной налог сярысь Законэз колхозник'ёс одобрять каро

СССР-лэн Верховной Советэзлэн внеочередной 4-тй Сессиезлэсь материал'ёссы районьсытмы колхозник'ёсын но колхозницаосын изучать карон нуналмысь паськыта. 4-тй Сессие юнматэм Закон'ёсты трудящейёс жутскем мылкыдэн пумитало.

Сельскохозяйственной налог сярысь Закон быдэсак на править каремын колхоз'ёсты юнматонлы. Колхозник'ёс но колхозницаос та Законэз мурмур изучать каро. 6-тй сентябре Бачумовской сельсоветысь Володарскийлэн нимыныз нимам колхозын общей собрани ортчиз. Собраниын колхозник'ёс но колхозницаос

ужало кутсаськон машинаос "Выль Улон" но Энгельслэн нимыныз нимам колхоз'ёсын. Энгельс колхозын нормая 18 тонна кутсан интые суткаяз 11 центнер гинэ кутса. МТС'ёслэн механик'ёссы кутсаськон машинаослэн урод ужаменыз чик интересоваться уг карысько.

Кутсаськон ужен юнгес ик урод ужало Удинской, Зюинской, Юрской но Байдалинской сельсовет'ёс. Та сельсовет'ёсысь одйгез но колхоз'ёс кутсаськон уже та дырозь зол-зол бз кутске ча. Ялам сизыл вуэмез возмаса уло.

Кутсаськон уж урод мынэм сэрэн государстволы нянь сдать карон уж но жегэ. 10-тй сентябрь государстволы нянь сдать каронлэн планэз район'я 39,7 процентлы гинэ тырмытэмын. Обязательной постанка—58,7 процентлы но ссудаз берыктон — 41 процентлы.

Азпалан кутсаськон ужен тазы ужаны уг лу. Кутсаськон ужен колхоз'ёслэн но сельсовет'ёслэн председателёссыл зол-зол кивалтын кулэ.

Кутсаськон ужен социалистической соревнование но стахановской движение паськыт вёлмытоно. Трудэз шо-нер организовать кароно. Борд газет потылоно, политмассовой ужез умой пуктоно. Колхозник'ёслы но колхозницаослы валэктоно СССР-лэн Верховной Советэзлэн 4-тй внеочередной Сессиезлэн материал'ёссы "Сельскохозяйственной налог сярысь Указэз" но мукет'ёссы.

Кутсаськон'я райисполком но ВКП(б) райком сельсовет'ёсы но колхоз'ёсы лэзем графикез ужен быдэ'яно. Кутсаськонэз 15-тй октябры полностью быдэстон понна нюр'яськоно. Солю понна асьмелэн котькычеез возможностьёсмы вань. Машинаосты ваньзэ уже кутыса полностью нагрузить кароно.

выль Законэн тодматскизы. Ваньзы ик соос выль Законэз одобрить каризы.

Озьы ик 8 сентябре та сельсоветысь "Восток" колхозысь колхозник'ёс но колхозницаос СССР-лэн Верховной Советэзлэн внеочередной 4-тй Сессиезлэн материал'ёсынызы тодматскизы. Собраниын выль Закон'ёс'я уно пёртэмезе впрос'ёс вал.

Сельскохозяйственной налог сярысь Законэз районьсытмы агитатор'ёс вань трудящейёслы мур-мур валэктны кулэ. Чтобы одйг трудящей но Законэз валатэк медам кылы.

М. ПОПОВ.

1 номеро Рогачевской начальной школаэн дышетйсь А. Г. Цикунов педагогической ужен ужан чожаз дасяз ни трос передовой советской калык'ёсты, куд'ёсыз ужало социалистической строительстволэн различной участок'ёсаз, тросэз солэн дышетэм пинал'ёсыз ачизэс знатной дышетйсьёс луизы ни.



Суред вылын: А. Г. Цикунов, Ленин орденэн наградить каремын, аслаз ученик'ёсыныз, али дыре соос сельской дышетйсь'ёс, "За трудовое отличие" медалэн наградить карылэмын. Паллян палаз С. Я. Прищепова, шораз А. Г. Цикунов но бур палаз В. П. Лысова.

### Пудоез толлытыны умой дасяськоно

Котькуд колхозлэн председателезлэн но фермаослэн заведующийёссылэн та нунал'ёсы задаказы луэ: пудолы тырмымон сион дасьтон но пудоез толлытыны помещениез умой дасьгон бордын ужан. Али ик кутсконо скал, вал но парсь гид'ёсты ремонтировать карон уж борды. Толалтэз пудолы тырмыт сионэн но помещениосты усто дасямен пумитано.

Нош Н-Чуриной сельсоветысь "Альшево" колхоз пудолы тырмыт сион дасьтон понна чик уг сюлмаськы. Силосовать карон но реточной сион дасьтон план тырмы-

тымтэ. Гид'ёс чередымтэ-есть, кормушкаос лэстытымтэ-есть. Та че ик положение Никольской сельсоветысь "Н-Путь", Зюинской сельсоветысь "Коротковцы" колхоз'ёсын но.

Туннэ нуналозь Райзо но та ужен ляб кивалтэ. Пудоез толлытон азелы дасяськон уж эрказ лэземын, РайЗО-лэн старшой строителез Поскребышев пудо гид'ёсты ремонтировать карон ужен интересоваться ичи карыське, план'ёсты канцеляриын пукыса лэстытэ. Колхоз'ёсын кыче уж мынэ Поскребышев уг тоды.

Пудолы тырмымон сион дасьтон но пудоез толлытыны гид'ёс умой дасьгон понна колхоз'ёслэн председателёссы та матысь нунал'ёсы ик зол-зол кутсконо луо.

Н. ПОЗДЕЕВ.



Суред вылын: СССР-лэн Военно-Морской флотэзлэн Народной Комиссарез, флотлэн II-тй рангезлэн флагманэз Николай Герасимович Кузнецов.

("Октябрьской революция" линкорын июле 1939 аре снять каремын).

### Вуоно быр'ён'ёс азелы дасясько

Местной Совет'ёсы быр'ён'ёс сярысь Положениез изучать карон районамы нуналмысь паськыта. Местной Совет'ёсы быр'ён'ёс сярысь Положение потэм бере чтец'ёс но агитатор'ёс колхозник'ёслы но колхозницаослы вискарятэк валэктон уж нуо. Колхозник'ёс но колхозницаос Положениез мыльсь-кыдысь изучать каро.

Тани Садинской сельсоветысь Энгельслэн нимыныз нимам колхозын Положениез валэктон уж Шутова Анастасия но Градобоев Ал. агитатор'ёс вискарятэк нуо. Та колхозын 8 беседа но 18 читкаос орчытыса 160 мурт колхозник'ёс но колхозницаос Положениен тодматскизы ни.

Озьы ик та сельсоветысь "Сибирка" колхозын но Положениез валэктон уж мынэ. Бурков В. В. но Бурков Ф. А. агитатор'ёс колхозник'ёслы но колхозницаослы Положениез шонеф валэкто. Татын 130 мурт Положениэн тодматскизы ни.

Местной Совет'ёсы быр'ён'ёс сярысь Положениез котькуд трудящейёслэн сознаниез мур-мур вуттоно. Вуоно быр'ён'ёс азелы усто дасяськоно. Вылэсь производственной под'емен быр'ён'ёсты пумитано. ТРЕФИЛОВ.

### Выль вуко изыны кутскиз

Вершиненской выль вуко комиссиен принять карем бере 13-тй сентябрысен изыны кутскиз. Вуколэн мощностез суткалы быдэ 30 тонна пыз изыны.

Вершиненской вуко пыз изон сяна Кычино сельсоветысь "Выль улон", "Дингурята", "Красота", "Красный передовик", Бачумово сельсоветысь Молотов эшлэн нимыныз нимам колхоз'ёсты но Ярской поселокез электричествоос освещать кароз. Но однако та колхоз'ёслэн председателёссы электричество провести каронлы юбоосты дасян бордын чидантэм урод ужало. ФЕДОТОВ.

Ю октон-калтонлэн, кутсаськонлэн но зябь гыронлэн мынэмез сярысь сводка (10-тй сентябры 1939 аре процентэн вераса)

№ п. п.	СЕЛЬСОВЕТ'ЭС	ю октон-калтон	Кутсаськон	Зябь гырон
1	Кычинской	74,4	42,8	9,0
2	Дизьминской	87,6	44,3	5,6
3	Байдалинской	89,3	34,6	54
4	Ворцинской	97,4	40,0	11,6
5	Н-Чуриной	85,6	29,4	11,9
6	Уканской	100,5	44,1	37,5
7	Бачумовской	102,9	47,7	12,5
8	Садинской	79,6	38,4	15,3
9	Юрской	88,9	36,0	4,4
10	Зюинской	77,6	35,9	9,3
11	Никольской	88,2	40,9	7,9
12	Удинской	92,9	37,4	10,4

Ваньмыз район'я

89,8

40,1

12,1



## ПАРТИЙНОЙ УЛО

Руководящей партийной орган'эсты быр'ёнээ  
умой ортчытоно

ВКП(б)-лэн XVIII с'ездэныз принять карем ВКП(б)-лэн Уставез куре, чтобы первичной, районной но городской парторганизациослэн руководящей орган'эсты аркын одйпол мед избираться кариськозы шуыса. Озы бере али дыре первичной, районной но городской партийной организациосын отчет'эс но первичной, районной но городской парторганизациосын выбор'эс кутске.

ВКП(б)-лэн Центральной Комитетэз постановить кариз 15 сентябрь но 15 октябрь куспын 1939 аре ваньмаз первичной, районной но городской партийной организациосын партийной организациослы очередной выбор'эсты ортчытыны.

Туэ отчетной ар замечательной событиослэн аренызы вал, куд'эсыз исторической значение иметь каро. 1938 аре „ВКП(б)-лэн исторический Краткой курсез“ потэмн вал. Та учебник марксистско-ленинской теорией кез басытонын синмаькымон энциклопедиен луэ. Кылем аре, ноябрь толэзе партийной пропагандез перестроить карон сярысь ВКП(б) ЦК-лэн, постановлениез опубликовать каремын вал. Асьмелэн партийной кадр'эсмы, советской интеллигенция но ваньмыз передовой калык марксистско-ленинской теорией овладеть карон бордын туэ аре упорно ужасы.

Марксистско-ленинской теорией овладеть карон бордын озы ик синмаькымон ужасы асьме районысь но тросэз

коммунист'эс, трудовой интеллигенция но азьмынись трудящей колхозник'эс. Тачи ВКП(б)-лэн райкомезлэн инструкторез Волков эш ВКП(б)-лэн исторический Краткой курсез мур изучать каре. Со умой-умой конспект составлять карыса учебниклэсь 7 главаз изучать кариз ны. ВКП(б)-лэсь исторический озы ик мур изучать каро Куйбышевлэн нимыныз нима колхозлэн первичной парторганизациезлэн парторгез Иван эш, Яр Н. Ш.-лэн директорез Главатских эш но мукет'эсыз.

Та берло дыр'эсы первичной партийной организациос трослы юмазы. Соослэн массаосын кусыпсы (связь) умояз. Коммунист'эслэн авангардной рользы будыз. Партийной организациос практической, хозяйственной но культурной уж'эс борды матэ карыськызы. Соин чош партийной организациослэн трос тырмытэоссы но вань на.

Первичной партийной организациослэн задачаоссы луэ со бордын, чтобы отчетно-выборной собраниясты ортчытоно уш'ясыкытэк, бахвальствоватэк, шараяно вань тырмытэоссы и наметить кароно азьпалан эшо но умой ужаны практической мероприятиос.

ВКП(б)-лэн Центральной Комитетэз необходимон лэд'я руководящей партийной орган'эсты бырыны вполне проверенной большевик'эсты, куд'эсыз партия понна преданноен луэ и коммуни-

стической партилэсь ужээ защищать кароны способноесь луэ.

ВКП(б)-лэн Центральной Комитетэз утвердить кариз Инструкция, кудаз точно указать карем ин партийной орган'эсты быр'ёнлэн порядкез. Та Инструкция быдэсак вытекать каре ВКП(б)-лэн уставез бордысь, кажной коммунистлы осуществленной правоос с'этэ.

Первичной партийной организациослэн отчетно-выборной собранияоссы умой ортчытыны понна кажной коммунистэз умой-умой ознакомить кароно Инструкциен. Однако та уж борды асьме районысь первичной парторганизациос умой-умой өз кутскелэ на. Куд-огез коммунист'эс Инструкциез чик уг тодо на. Та кылем нунал'эсы ваньмаз первичной парторганизациосын быр'ён'эсты ортчытон сярысь инструкциез мур мур изучать кароно. Кажной коммунист Инструкциез мед тодоз умой.

А. ВЕРЕТЕННИКОВ

Куд-ог радио-точкаос  
сярысь

Ярской райцентрысь трудящей уноез радиоен „пользоваться“ карисько. Радиоен „пользоваться“ кариськем понна, соос радиоузеллы аботной дун но тыро. Озы ке но, радиоузеллэн заведующеез Лубнин радиослушательэсыз понна чик уг сюлмаськы. Радио линиисты ремонтировать каронээ вунэтэм лэся.

Тросэз радио-точкаоссэ соос уг но тодо. Со тыни возьматэ радиоузеллэсь клиент'эсыз понна „сюлмаськемэ“. Радио уред ужам сярысь ивортасы но радиоузел нокыче ужрад уг куты. Тани райклубын радио вераськон интые, шашетыса улэ. Озы ик чидантэм урод ужа радио Советской улычаын 11 номеро коркан но. Озы тыни радиоузеллэн тросэз радио-точкаосыз аналтылэмын.

Радиоузеллы тазы радиослушательэсыз понна „сюлмаськемезлы“ пум пононо. Радиолэсь ужээ умоятон понна зол-зол сюлмаськоно.

А. ЯКОВЛЕВ.



Тыло-бурдоо радио-гнездоос.



Суред вылын: колхозник'эс Н. М. Жидков но Е. В. Слюсарева, соос Воронежской областись улыны Омской области лыктызы. Крутинской районысь Дарвинлэн нимыныз нима колхозлэсь окрестностьэс учко. Бурпалаз колхозница А. И. Буиреева.

## Приусадебной участок'эсты отрезать карон кутскиз

Районыстымы колхозник'эслэсь, единоличник'эслэсь но колхозын сылысьтэм мукет хозяйствослэсь приусадебной участок'эссэс мерттан дыр'я шарямын вал, что 1327 хозяйствоос асьсэлэсь приусадебной участок'эссэс сельскохозяйственной артельлэн Уставеныз тупатэм нормалэсь мултэсэн возылызы. Ваньмыз район'я мултэс приусадебной участок'эс 132 гектар лэд'ясыке. Куд-огез хозяйствоос гектар но гектарлэсь мултэс приусадебной участок возылызы.

Садинской сельсоветысь „Лумпа“ колхозысь колхозник Сухих Аф. К. быдэс гектар приусадебной участок возылыз. Бачумовской сельсоветысь Урицкийлэн нимыныз нима колхозысь Попова Мария Григорьевналэн 0,81 гектар приусадебной участкаез вал. Таче хозяйствоос районыстымы уно шарямын. Тодмо ини, что кинлэнке приусадебной муз'

емез бадзым ке, соос дырээс ас хозяйствоаз ужаса орчтытылызы.

Озы ик Зюинской сельсоветысь Зюино гуртысь Сундов Г. М. единоличник 0,79 гектар приусадебной муз'ем возылыз. Вань таче мултэсо приусадебной участоки хозяйствослэсь муз'ем'эссэс 15 сентябрьсен отрезать карон уж мыноз.

15 сентябре 5 приусадебной участок'эсты мерттас комиссияс ас указы ужаны кутскозы. Озы ик 16 сентябре кылемез но комиссияс бакчаосы отрезать карон уж борды кутскозы. Партилен но правительстволэн постановлениызы приусадебной участок'эс юбоосын люкылымын луоз.

Приусадебной участок'эсты мерттас комиссиясы сельсовет'эслэн но колхоз'эслэн председател'эсы нуналмысь юргыны кулэ.

ИВАНОВ.

## ГРАНИЦА СЪОРЫСЬ ИВОР'ЭС

США-ын военной  
летчин'эсты дасян

НЬЮ-ЙОРК, 8 сентябре (ТАСС). Юнайтед пресс агентстволэн Вашингтоньсь ивортэмез'я, Рузвельт вераськиз гражданской авиацилен правительственной комиссиезлэн председателеныз Хинклиен колледж'эслэн студент'эсы пöлысь 11 сюрс муртэ военной летчик'эсты дасян сярысь.

Япония США-ысь  
оборудование басьтэ

НЬЮ-ЙОРК, 8 сентябре (ТАСС). „Манчжури моторкар компани“ нимо японской компанилэн президентэз Ямамото 10 миллион доллар сум малы машинас басытыны США-е лыктыз. Азьвыл та оборудованиез компания Германиысь басытыны чакла вал. Европачь войнаен валче Япония США-ысь оборудование басынээ бюджетоз шуыса чаклало.

Германилэн территорияз  
французской войскаос  
пыризы

НЬЮ-ЙОРК, 9 сентябре (ТАСС). Ассошиэтед пресс агентстволэн Парижысь корреспондентэзлэн ивортэмез'я,

неофициальной порядкен иворто, что северной флангын французской армия Германилэн территория вылаз 7 миль кеме пыриз.

Английской самолет'эс  
германской пароходэз  
ыбылзы

БЕРЛИН, 9 сентябре (ТАСС). Германской информационной бюро ивортэ, что 6 сентябре Паданг (Суматра) городэ вуэм германской пароход „Франкен“ нейтральной (Голландской) вуосын английской самолет'эсысен ыбылэмын вал. Пароходлы номыре луэмын öвл.

Врид. редактор —  
А. Веретенников.

„ЛЕНИН В 1918  
ГОДУ“

Яр станцилен железнодорожной клубаз 16-17-18-19 сентябре звуковой „сторической кинофильм „ЛЕНИН В 1918 ГОДУ“ демонстрироваться кариськоз.

Колхоз'эс сеанс'эсты налично кондон тырыса басытыны быгато. Сеанслэн дуныз 180 манет Сеанс'эс 18 но 20 часэ кутско.

КЛУБЛЭН ДИРЕКЦИЭС.

## Колхозэн тазы кивалтыны уг яра

Партия но правительство колхоз'эсты большевистское но колхозник'эсты зажиточноес карон понна нуналмысь сюлмасько. „Колхоз'эслэсь общественной муз'ем'эссэс разбазаривать каронлэсь возманлэн мераосыз сярысь“ партилен но правительстволэн постановлениызы быдэсак направить каремын колхозысь трудовой дисциплинаез юматонлы. Та постановлени потэм бере тросаз колхоз'эсын трудовой дисциплина умояз.

Колхозлэн председателез колхоз понна умой-умой сюлмаське ке, отын трудовой дисциплина но умой. Нош колхозлэн председателез колхоз понна уг ке сюлмаськы, дырээ юыса но кулэтэм уж'эс лэстыса орчтытэ ке, отын трудовой дисциплина но лэб, уж'эсын но дырыз дыр'я уг шонерско. Кылсырысь, тани Никольской сельсоветысь „Большевик“ колхозлэн председателез Потемкин дырээ

юыса гинэ орчтытэ. Луд выла, ужасы доры чик уг пота. Колхозын критикаез но самокритикаез зыбасы возе. Соин ик татын трудовой дисциплина но лэб.

Аран машинаос луд вылын частьэстэк сыло, нош Потемкин „Яре мыно, машина частьэс понна“ шуыса вал куре. Ярысь машина часть ваен интые, со визьтэммытчозь кудзыса лыктэ. Уравниловкаез быдтонэн Потемкин чик уг нюр'ясыкы. Тани, одйг но кык лемехо плуг'эсын гырыны норма ог мында тупатэмын.

Озы ик татын озим'эслы но уход чидантэм урод пуктэмын. Озимез парсьэс но скал'эс сий, лэгало. Тае адыса но Потемкин нокыче кулэ луись ужрад'эс уг куты.

Таче положенилы азьпалээ чиданы уг яра. Колхозэн зол-зол кивалтоно.

ПОТЕМКИН.

Францилэн войскаосыз  
Рейн шур вылысь  
выж'эсты куашкато

НЬЮ-ЙОРК, 9 сентябре (ТАСС). „Нью-Йорк Пост“ газет ивортэ, что французской войскаос военной действияслэн зонасытызы Рейн шур вылысь вань выж'эсты куашкат'язы.

Канада Германилы  
война ялыз

РИМ, 9 сентябре (ТАСС). Римысь радиолэн ивортэмез'я, Канадалэн генерал-губернаторез парламентлы ивортэ, что Канада Германияен войналэн состоянияз луэ.